



Broj: 03/1-50-14-7-45/17

Sarajevo, 04.04.2018.

PREDMET: Informacija o učešću članova Zajedničke komisije za odbranu i sigurnost BiH u radu Regionalne konferencije o vanrednim situacijama, Beograd, 7. i 8.12.2017.

Članovi Zajedničke komisije za odbranu i sigurnost BiH Darko Babalj i Mario Karamatić učestvovali su u radu Regionalne konferencije o vanrednim situacijama, koja je 7. i 8. decembra 2017. godine održana u Beogradu.

Tokom Regionalne konferencije, koju su organizirali Narodna skupština Republike Srbije i Misija OSCE-a u Republici Srbiji, razgovarano je o upravljanju vanrednim situacijama na državnom i regionalnom nivou. Razmijenjena su i mišljenja i iskustva o aktivnostima parlamenta i parlamentarnih tijela zemalja jugoistočne Evrope tokom vanrednih situacija te je dogovoren okvir za buduću saradnju.

Na konferenciji, kojoj su prisustvovali predstavnici komisija / odbora nadležnih za pitanja odbrane i sigurnosti iz parlamenta zemalja jugoistočne Evrope i predstavnici institucija nadležnih za upravljanje vanrednim situacijama iz zemalja Evropske unije, razgovaralo se i o pravnom i institucionalnom okviru, te izazovima u radu i ključnim rizicima tokom katastrofa u regionu Istočne Evrope.

Razmijenjena su mišljenja i o mogućnostima unapređenja regionalne saradnje u oblasti sprečavanja i reagiranja na katastrofe. U okviru ove sesije iskustva u upravljanju rizicima od katastrofa prisutnima su prezentirali predstavnici zemalja Evropske unije.

Tokom konferencije razgovarano je i o pravnim okvirima, politikama i strategijama u vezi s upravljanjem vanrednim situacijama u zemljama regije. U okviru ove teme prisutnima se obratio Mario Karamatić, član Zajedničke komisije za odbranu i sigurnost BiH.

Mario Karamatić se u svom izlaganju osvrnuo na aktuelno stanje u Bosni i Hercegovini po pitanju reagiranja institucija u kriznim i vanrednim situacijama te na Okvirni zakon o zaštiti i spašavanju ljudi i materijalnih dobara od prirodnih ili drugih nesreća u BiH.

Član Zajedničke komisije

Mario Karamatić

Dostavljeno:

- naslovu
- a/a